

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 22-09-2025**

**Mødedato** Mandag d. 22. september 2025 kl. 17:00

**Mødested** Kommunalbestyrelsep ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, ja 2018-miit 2024-mut siusinaartumik pensionisialinnut tunngasunik misissueqqissaarneq.....	6 9
Gerontopsykiatriip erseqqissarneqarnera (utoqqarnut tarnip nakorsa qarfia).....	12
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	15
Nuummi Kofoeds Skolemut kiffartuussinissamik isumaqatigiissut.....	18
Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit	21
Siu-Tsiu-mik naliliineq 2025.....	24
Tamalaat.....	27
Imaqarniliap akuerineqarnera.....	28

## **Punkt .: Saqqaa**

### **Ilaasortat:**

Justus Hansen (D)

Lone Rosengreen Pedersen (IA)

Ida Julie Andersen (IA)

Mala Høy Kúko (S)

Laura Tâunajik Uitsatikitseq (S)

### **Beslutning**

#### **Ataatsimeeqataasut:**

Justus Hansen (D)

Lone Rosengreen Pedersen (IA)

Ida Julie Andersen (IA)

#### **Oqarasuaatsikkut:**

Laura Tâunajik Uitsatititseq (S)

Mala Høy Kúko (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarpoq.

**Punkt .: Nalunaarutit**

# **Punkt 1: Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, januaari - juuni 2025**

## **Beslutning**

Ilisimatitsissut tusaatissatut tiguneqarpoq.

## **Bilag**

Ukiup affakkuutaartumik suliffeqarnermut suliassaqarfimmi killiffik, januaari - juuni 2025

Ukiup affakkuutaartumik Isumaginninnermut Kiffartuussivimmi killiffik, januaari - juuni 2025



## **Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, januaari - juuni 2025**

Ilisimatitsissut

SagsID.: EMN-2025-01684

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Innullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Kiffartuussivik pillugu ukiup affakkuutaartumik ilisimatitsissutigineqartarpoq, suliatigut aningaasatigullu kisitsitigut paasissutissat pingaarnert aamma allaffeqarfimmit isumaliutersuutit pillugit. Taanna ukiup affakkuutaartumik killiffik piffissami 2025-mi januaarimit juunimut atuuppoq. Killiffik pineqartoq ilangussaniippoq.

Suliffeqarnermut Isumaginninnermullu Kiffartuussivimmit sinniisoq ataatsimiititami ataatsimiinnermi najuutissaaq, taamaalilluni ataatsimiititamit itinerisunik apeqquteqarnissamut periarfissaqartoqarniassammat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq

### **Inatsisitigut tunngavissaq allakkallu tunngaviusumik uppernarsaatillit**

- Suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. decembari 2015-imeersoq
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juuni 2014-imeersoq
- Kalaallit Nunaanni ilinniartitaanermit inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. novembari 2013-meersoq
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. novembari 2001-imeersoq
- Piginnaanngorsaaqqinnissamut ikiorsiisarneq pillugu Inatsisartut peqqussutaat nr. 4, 31. maaji 2001-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktobari 1992-imeersoq.
- 2025-miit -2027-p tungaanut Majorianik ingerlatsineq pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni Angusanut isumaqatigiissutaat
- Siusinaartumik pensionisiat pillugit Inatsisartut inatsisaat nr. 40, 9. decembari 2015-imeersoq
- Utoqqalinersiaqarneq pillugu Inatsisartut inatsisaat nr. 20, 23. novembari 2015-imeersoq



- Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. decembari 2015-imeersoq
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juuni 2022-meersoq
- Pisortanit ikiorsiissutit pillugit Inatsisartut inatsisaat nr. 6, 20. juuni 2022-meersoq
- Kommuneqarfik Sermersuumi Isumaginnittoqarfik aqutigalugu inissamik innersuussisarneq pillugu ileqqoreqqusaq 2018-imeersoq
- Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat nr. 11, 2. novembari 2001-imeersoq tassunga ilanngullugit isumaginnittoqarfiup aqunneqarnerat aaqqissuussaaneralu pillugit kingorna allannguutit

### **Ilanngussat**

1. Ukiup affakkuutaartumik suliffeqarnermut suliassaqarfimmi killiffik, januaari - juuni 2025
2. Ukiup affakkuutaartumik Isumaginninnermut Kiffartuussivimmi killiffik, januaari - juuni 2025

## **Punkt 2: 2018-miit 2024-mut siusinaartumik pensionisialinnut tunngasunik misissueqqissaarneq**

### **Beslutning**

Ilisimatitsissut tusaatissatut tiguneqarpoq.

### **Bilag**

2018-miit 2024-mut siusinaartumik pensionisialinnut tunngasunik misissueqqissaarneq



## 2018-miit 2024-mut siusinaartumik pensionisialinnut tunngasunik misissueqqissaarneq

Ilisimatitsissut

SagsID.: EMN-2025-01346

Suliffeqarnermut Isumaginninnermullu ingerlatsivik - Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Paasissutissat siusinaartumik pensionisiantut tunngasut Suliffeqarnermut Isumaginninnermullu Ingerlatsivimmit misissueqqissaarnerput. Misissueqqissaarnermi siusinaartumik pensionisiallit amerlassusiisa, atuinerup, ineqarnermut tapiissutit, inummut tapit aamma innuttaasut katitigaaneranni allangoriartorerit pingaarnertut misissorneqarput. Misissueqqissaarnermi ilaatigut inerniliunneqarpoq:

- Suliassaqarfimmi atuinerit katillugit 32,6 %-imik qaffariarput, siusinaartumilli pensionisiallit 7,1 %-iinnarmik amerlariarlutik.
- Siusinaartumik pensionisiallit amerlassusii 2021-miit amerleriarnertut patsisaanerusoq tassaavoq utoqqalinerimi pensionisiaqalernissamat ukiut qaffanneqarnerat.
- Nuummi siusinaartumik pensionisiallit sulisinnaassuseqartut katillugit amerlassusii 5 %-it ataappai, kommunilli sinnerani siusinaartumik pensionisiallit, apeqqutaalluni sumiinnerut, 12 %-it 20 %-illu akornanni amerlassuseqarput.
- Siusinaartumik pensionisiallit 18-it 30-llu akornanni ukiullit ataatsimut katillugit amerlassusaat 2018-imut sanilliullugit ikileriarsimapput, taamaattorli arnat angutillu agguataarsimanagerat isiginiaraanni ukioqatigiiaani taakkunani arnaanerupput ikileriarsiusut ; akerlianillu angutit taamatut ukiullit siusinaartumik pensionisiallit amerleriarsimapput.
- Nalinginnaasumik angutit arnanit amerlanerussuteqarlutik siusinaartumik pensionisiaqartarput – Kommuneqarfik Sermersuumili sulisinnaassuseqartuni allaanerussutigivaa arnat angutillu amerlassusiisa tungaatigut nalinginnaasumik allaanerussuteqarnerat.
- Siusinaartumik pensionisiallit taakkunani inummut tapinik ineqarnermullu tapiissutinik aamma pisartut amerlassusaat annermik allanguuteqanngillat. Inuusuttut siusinaartumik pensionisiallit utoqqaanerusunut ukioqatigiiaanut sanilliullugit taakkuninnga tapinik pisartut nalinginnaasumik ikinnerussuteqarput.
- Siusinaartumik pensionisiaqartuni 60-66-inik ukiullit nalinginnaasumik amerlanerupput, matumani kisitsisiviit allanullu sanilliussinnermi kisitsisit malillugit.

### Ingerlatsivimmit aningaasatigut sulisoqarnikkullu naliliinerit

Suliassaqarfimmi aningaasartuutit annertusigaluttuinnarput, annertusigaluttuinnartussaallutillu akit qaffakkaluttuinnarnerisa kiisalu siusinaartumik pensionisiaqalertut amerligaluttuinnarnerisa kingunerisaannik.

### Missingersuusionerimut Naatsorsuusionerimullu Immikkoortortamit aningaasatigut naliliineq

Pisariaqanngilaq.



## **Inatsisitigut tunngavissaq allakkallu tunngaviusumik uppersaatillit**

- Inatsisartut inatsisaat nr. 40, 9. decembari 2015-imeersoq

## **Ilannugussaq**

1. 2018-miit 2024-mut siusinaartumik pensionisialinnut tunngasunik misissueqqissaarneq

## **Punkt 3: Gerontopsykiatriip erseqqissarneqarnera (utoqqarnut tarnip nakorsa qarfia)**

### **Beslutning**

Ilisimatitsissut tusaatissatut tiguneqarpoq.

### **Bilag**

Bilag 1 - Kortlægning af det gerontopsykiatriske område KAL.pdf



## **Gerontopsykiatriip erseqqissarneqarnera (utoqqarnut tarnip nakorsa qarfia)**

Ilisimatitsissut

SagsID.: EMN-2025-01406

Suliffeqarnermut Isumaginninnermullu Ingerlatsivik – pisorta q Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Utoqqarnut Isumassuinnermullu Ataatsimiititamut kiisalu Isumaginninnermut Inunnulu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

2025-mut missingersuutit pillugit isumaqatigiisummi Kalaallit Nunaanni gerontopsykiatriip misissuiffigeqqissaarneqarnissaanut suliartoqassasoq isumaqatigiisutigineqarpoq. Missingersuutit pillugit isumaqatigiisummut atatillugu suliassamut aningaasaliisoqanngilaq. Suliffeqarnermut Isumaginninnermullu Ingerlatsivimmit taamaattumik gerontopsykiarii nukissat piusut suliatigullu piginnaasat aallaavigalugit erseqqissarlugu sularineqarpoq. Ingerlatsivimmit nangillugu nalileneqarpoq, gerontopsykiatri siunissami qanoq isikkoqassanersoq pillugu eqqartueqatigiittarnissanut aallaavittut atussallugu erseqqissarneqarnerata pitsaassusaa naammattoq.

Erseqqissaalluni suliamut atatillugu, sulialinniit arlalinniit paasisanik paasissutissatullu atortussanik Suliffeqarnermut Isumaginninnermullu Ingerlatsivimmiit pissarsiniarneq sulissutigineqarpoq. Ingerlatsivik ilaatigut Peqqissutsimut Inunnulu Innarluutilinnut Naalakkersuisoqarfimmut, Nunatta Nakorsaaneqarfianut, Tiliumut, Peqqinnissaqarfimmut, Naatsorsueqqissaartarfimmut Ilisimatusarfimmut allakkatigut saaffiginnissuteqarpoq. Suliassaqarfimmi ilisimatuussutsikkut suliniutaareersut Peqqissutsimut Inunnulu Innarluutilinnut Naalakkersuisoqarfimmit innersuussutigineqarput, tamatumalu saniatigut erseqqissaanermik suliqaarneq eqqarsaatigalugu sulialinnit allanit akissutinik imaluunniit suleqateqarniarnermik ingerlatsivik iluatsitsinngilaq.

Gerontopsykiatriimit utoqqarni tarnikkut napparsimanernut tunngasunik suliniarfigineqartarput, taakkunani suliniarfigineqartut tarnikkut nappaataasunut utoqqaliartornermut tunngasuupput, taamaattorli aamma utoqqaanermi piginnarneqartartunut tunngasuullutik. Erseqqissaanermi inerniliineq naapertorlugu gerontopsykiatriimi innuttaasut isumaginissaanut aqqissuussaannikkut sulisutigullu peqarnissamut ineqarnermut neqeroorutinik ullumikkut amigaaqartoqarpoq. Innuttaasut ilaat Isumaginninnermut Aqutsisoqarfiup suliassaqarfiani ulloq unnuarlu neqeroorummiinnissaminnut pisariaqartitsissapput. Inuit innarluutillit pillugit tapersersuinnermut inatsisip aamma utoqqarnik paaqutarinniffiit pillugit Inatsisartut peqqussutaata akornanni inatsisitaanut tunngasut qulaajarneqarnissaat kiisalu innuttaasut kommunip neqeroorutaaniinneqassappata pissaanermik atuinermut inatsisip naleqqussarneqarnissaa pisariaqartinneqarpoq. Unamminartua tassaassaaq, ukiuni tulluuttuni innuttaasut gerontopsykiatriimit sullinneqarnissaminnut pisariaqartitsisut naatsorsuutigisamik amerliartussasut. Erseqqissaanermut tunngasoq ilanngussaq 1-imi takuneqarsinnaavoq.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.



## **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tungavissaq allakkallu tungaviusumik uppersaatillit**

- 2025-mi missingersuutit pillugit isumaqatigiissut
- Innarluutilit pillugit immikkoortumut pilersaarut 2021-2026

### **Ilanngussat**

1. Suliassaqarfiup gerontopsykiatriip erseqqissarneqarnera

## **Punkt 4: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliffissaaleqisut kisitsisaannut takussutissiat

## **Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititumut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivimmit

suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ingerlaavartumik ilisimatitsissutigineqartarpoq. Uani ilisimatitsissummi 2025-mi kvartalit aappaa pineqarpoq Piffissami tassani illoqarfinni Nuummi, Paamiuni, Tasiilami aamma Ittoqqortoormiini suliffissaaleqisut amerleriaateqarput.

Tamanna piffissap taamaalinerani naatsorsuutigineqareersimavoq, aammali Majoriap sulisuinit suliffissarsiortunut ikiorsiissutit aamma pisortanit ikiorsiissutit pillugit aqutsinermut Qarasaasiatigut systemit atuutilersinniarneqarneri pingaarnertut pingarsimaneraniq pissuteqarpoq. Systemit suli kukkunertaqarput, amigaateqarput naleqqutinngitsunillu peqarlutik, taamaattumillu sulisunit tamakkiisumik eqqumaffigineqartariaqarlutik.

### Kommuneqarfik Sermersuumi suliffissaaleqisut nikerarnerat

Ukiuni arlalinni Kommuneqarfik Sermersuumi suliffissaaleqisut ikiliartornikooriarlutik 2025-mi kvartali siullermi suliffissaaleqisut amerleriaateqarput. Tamatumani peqqutaavoq, suliniutit amigartut, suliffissaaleqisut ikiorsiissutaannik tunniussisarneq Majoriami sulisut suli unamminartimassuk. Suliffeqarnermut suliassaqarfik atortumik ajornartoortaluarlutik 2025-mi kvartalit aappaanni suliffissaaleqisut matchgruppe 2-mi ilaasut ataasiakkaarlugit oqaloqatigisimavaat. Tusarniaanerup kingorna akissutillu nalilereerlugit aalajangerneqassaaq, suliffissaaleqisut 150-200-t matchgruppe 2-miittut pisortanit ikiorsiissutinik pisartagaqalissanersut, suliffissarsiortut ikiorsiissutinik pisartagaqalernissamat piumasaqaatinik naammassinninnginnerisa pissutigalugu. Tamanna peqqutaasinnaavoq sulisinnaanerani sapaatip akunneranut akunnerit 20-vit ataassimagaat, imaluunniit ukiup ataatsip ingerlanerani sisamariaq killilersugaasussanngortitaasimasut. Suliffissarsiortut suli suliffissarsiuussisarfimmut sapaatip akunneri tamaasa naqitsikkiartortassapput suliniutinullu peqataanissamat piareersimasassallutik.

Suliffissarsiuussisarfimmit naatsorsuutigineqarpoq, 2025-mi ukiup ingerlanerani suliffissaaleqisut amerlassusaat aalakkaaneruleqqissasut, tamatumalu kingorna ukiuni 2020 - 2024-mi pissutsinut assingusumik ingerlajumaartoq, tassa suliffissaaleqisut ataatsimut isigalugu ikiliartuinnarumaartut. Suliffissarsiortunut ikiorsiissutit tunniunneqartarnerinut systemi sulisunit tamakkiisumik eqqumaffigineqarunnaarpata, Majoriamit inatsisit malillugit pingaarnertut suliassat suliniutinullu sinneri erngertumik nangingneqarnissaat naatsorsuutaavoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffissarsiortunut ikiorsiissutinut aningaasartuutinut aningaasaqarnikkut sulisoqarnikkullu sunniuteqartarput.

## **Missingersuusionermut Naatsorsuusionermullu Immikkoortortamit aningaasatigut naliliineq**

Attuumassuteqanngilaq.

### **Inatsisitigut tungavissaq allakkallu tungaviusumik uppersaatillit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

### **Ilannugsaq**

1. Suliffissaaleqisut kisitsisaannut takussutissiat

## **Punkt 5: Nuummi Kofoeds Skolemut kiffartuussinissamik isumaqatigiissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Nuummi Kofoeds Skolemit suliat isumagineqartartut pillugit neqeroortitsisussaataaneq pillugu oqaaseqaat

Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsineranut suleqatigiinnissamillu isumaqatigiissutaat

## **Nuummi Kofoeds Skolemut kiffartuussinissamik isumaqatigiissut**

Ilisimatitsissut

SagsID.: EMN-2025-01639

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Innullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Ulloq 23. maaji Isumaginninnermut Innullu Innarluutilinnut Ataatsimiititap ataatsimiinnerani Nuummi Kofoeds Skolemik suleqateqarneq, atuarfimmik suleqatigiinnissamut isumaqatigiissut maanna atuuttup nutarternissaa siunertaralugu, nalilersoqqinneqassasoq aalajangerneqarpoq. Suliap ingerlateqqinnerani Suliffeqarnermut Isumaginninnermullu Ingerlatsivimmit suleqatigiinnissamut isumaqatigiissut maanna atuuttoq tamanut neqeroortitsissutigineqassanersoq paasiniarniarlugu aalajangerneqarpoq.

Ingerlatsivimmit tamatuma kingorna eqqartuussissuserisut oqaaseqaataannik, ilanngussaq 1-imi takuneqarsinnaasumik, suliaqartitsisoqarpoq. Eqqartuussissuserisut oqaaseqaataanni inerniliunneqarpoq, Kommuneqarfik Sermersooq Nuummi Kofoeds Skole suleqatigiinnaruniuk imaluunniit assigisaanik suleqatigiinnissamut isumaqatigiissuteqarpat, suleqatigiinnissamut isumaqatigiissut tamanut neqeroortitsissutigeqqaarnagu, neqeroortitsinnermut inatsimmik unioqqutitsinerussasoq. Inerniliussinnermut suleqatigiinnissamut isumaqatigiissut suliassanut, sullinniakkanut, tiguisinnaassusaannut aamma inerniliussassamik anguniakkanik sukumiisumik piumasqaateqartoqarnera tunngavigineqarpoq. Taamaalilluni Nuummi Kofoeds Skolemut akiliut isumaginninnikkut kiffartuussinernut akiliutitut isikkoqarpoq. Tamatuma kingunerisaanik suleqatigiinnissamut isumaqatigiissut maannakkumut atuuttoq illuatungeriinnit kiffartuussinissamut isumaqatigiissutaavoq neqeroortitsisarnermut inatsimmi § 2-mi 500.000 koruuninik naammaginartutut killiliussaartoq qaangerneqarsimavoq.

Nuummi Kofoeds Skolemik ingerlatsinissamut suleqatigiinnissamullu isumaqatigiissut 2019-imeersoq neqeroortitseqqaarani atuutilersinneqarpoq. Isumaqatigiissut illuatungeriinnit ataatsimit taamaatinneqarnissaata tungaanut atuuppoq. Taamaattumik ingerlatsivimmit eqqartuussissuserisunit oqaaseqaammik paasissutissat qisuariarfigneqartariaqartutut isummerfigineqarpoq.

Ulloq 22. aggustimi Aningaasaqarnermut Inuussutissarsiornermullu Ataatsimiititap ataatsimiinnerani Kommuneqarfik Sermersuomi angerlarsimaffeqanngitsut pillugit iliuuseqarnissamut immikkut ittumik sammisaqartoqassasoq aalajangerneqarpoq. Ingerlatsivimmit Kofoeds Skolep Kommuneqarfik Sermersuullu akornanni isumaqatigiissut siunissami qanoq issanersoq immikkut ittumik sammisaqarnermi kommunalbestyrelsimit oqaluuserineqarsinnaasoq nalilerneqarpoq.

Ingerlatsivimmit Nuummi Kofoeds Skolemik siunissami suleqateqarnissamut periarfissat pingasuusut nalilerneqarpoq:

### 1) Suliassanik tiguseqqinneq

Suliassanik tiguseqqinnikkut Nuummi Kofoeds Skolemik isumaqatigiissummik taamaatitsinermik imaqassaaq. Ingerlatsivimmit Nuummi Kofoeds Skolemik ingerlatsinissamut suleqatigiinnissamullu isumaqatigiissummi suliassat nassuiaatigineqartut inatsisitigut pisussaaffiunngitsutut nalilerneqarput. Taamaattumik suliassaq pineqartoq politikikkut salliunneqartariaqarpoq, Kofoeds Skole taarserlugu kommunimit aqunneqartumik ingerlatsitsisoqassappat.

### 2) Suliassanik tamanut suliarinnittussarsiorneq (neqeroortitsineq)

Ingerlatsivimmit pisiortortarnermut immikkoortoqarfik suleqatigalugu neqeroortitsinissamut paasissutissanik suliaqartoqassaaq. Aningaasaqarnikkut annertussusissaannut aamma tunniussinissamut piumasaqaatinik nalilersuineranut tunngatillugu Isumaginninnermut Innullu Innarluutilinnut Ataatsimiititaq peqataatinneqarumaarpoq.

### 3) Aningaasat Nuummi Kofoeds Skolemut tapiissutitut tunniunneqassapput

Eqqartuussissuserisut oqaaseqaataanni inerniliunneqarpoq, suleqatigiinneq allanngortinneqassappat, aningaasat Nuummi Kofoeds Skolemut tapiissutitut tunniunneqartalerlutik, neqeroortitsisarnermut inatsimmik unioqutitsinerussanngitsoq. Tapiissuteqarnikkut aaqqiissuteqarnerup kingunerissavaa kommune Kofoeds Skolep siunertaanut (kommunimi) tapiissuteqassasoq, kommunilli neqeroorutip imarisaanut pitsaassusaanullu tassungalu atatillugu malinnaatitsinissamut piumasaqaateqarsinnaajunnaassaaq.

### **Ingerlatsivimmit aningaasatigut sulisoqarnikkullu naliliinerit**

Maannakkut suleqatigiinnissamut isumaqatigiissut atuuttoq ukiumut 5,34 mio. koruuninik akeqarpoq. Siunissamut aningaasatigut qanoq kinguneqassanersoq suliassaqarfirmut politikikkut kissaatigineqartut apeqquataassapput. Kommunalbestyrelsip immikkut ittumik sammisaqarnermini kissaatigisat oqaluserereerunikkit, ingerlatsivimmit aningaasaqarnikkut kingunerisassaanik imalimmik suliassamik nassiussisoqassaaq.

### **Missingersuusiornermut Naatsorsuusiornermullu Immikkoortortamit aningaasatigut nalililneq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pisortat oqartussaaffigisaanni suliffeqarfiinilu nioqutissanik kiffartuussinernillu pisineranut tunngatillugu neqerooruteqartitsisarneq pillugu inatsisartut inatsisaat nr. 6, 12. juuni 2019-imeersoq
- Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsinermut suleqatigiinnissamillu isumaqatigiissutaat

### **Ilanngussaq**

1. Nuummi Kofoeds Skolemit suliat isumagineqartartut pillugit neqeroortitsisussaataaneq pillugu oqaaseqaat
2. Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsinermut suleqatigiinnissamillu isumaqatigiissutaat

## **Punkt 6: Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Bilag 1 Struktur for halvårlig status.docx\_2502309.docx\_KAL.pdf

## Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID.: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussat, ingerlatsivimmit ataatsimiititamat saqqummiunneqartussat, ilisimatitsissutigineqarput.

Ingerlatsivimmit ataatsimiititaq suliassanik oqaluuserineqartussanik ilisimatinneqassasoq kissaatigineqarpoq, taamaalilluni ataatsimiititami ilaasortat piareersarluarsinnaaniassammata aamma ataatsimiititap ataatsimiinnissaanut ataasiakkaanut oqaluuserisassat aalajangiunneqannginneranni. Ataatsimiititami oqaluuserineqarnissaannut piffissaliussaq suli aalajangiunneqanngilaq, soorluttaaq immikkoortut allannguuteqarsinnaasut.

Piffissami matumani ingerlatsivimmit suliassat uku ukiup affaani tulliuuttumi ataatsimiititami oqaluuserineqartussatut naatsorsuutigineqartut ilisimaneqarput:

- Inunnullu innarluutilinnut ataqatigiissaarisartoqatigiit pillugit killiffik/naliliineq
- Siu-Tsiumik suleqateqarnermik nangitsineq
- Suliata pitsaassusissaasa allaaserineqarnerat 2026
- TFU-p sulinera pillugu ilisimatitsissut
- Angerlarsimaffeqanngitsuuneq pillugu immikkoortumut pilersaarutip killiffia
- Innarluutilit pillugit immikkoortumi pilersaarutip killiffia

Ataatsimiititami ukiumut arlaleriarluni oqaluuserineqartussat aalajangersimasut, takussutissami ilaatinneqanngillat.

Ingerlatsivik ukiup affakkaartumik Suliffeqarnermut Isumaginninnermullu Kiffartuussivik kiisalu Innarluutilinnut aamma tarnikkut nappaatilinnut Immikkoortortaarfik pillugit ilisimatitsissuteqartarpoq. Massakkumut ukiup affakkaartumik killiffiit assigiinnik imaqartarput kisianni ingerlatsivimmit siunissami imarisaannik sukaterisoqassaaq ukiullu affakkaartumik killiffinni ersarissumik qitiutitsisoqartassaaq. Upernaakkut innuttaasut katitigaanerisa ineriartornerat aamma suliassaqarfimmi aqqissuussinikkut ineriartorneq kiisalu siunissami sulinissamat pingaaruteqassusaat qitiutinneqartassaaq. Ukiakkut suliassaqarfimmi ingerlatsineq, missingersuutit aamma missingersuutit pillugit isumaqatiginninniarnert malinnaaffigineqarnissaat qitiutinneqassaaq. Ukiup affakkaartumik killiffissiuinerit tamarmik aningaasaqarnermut naammagittaalliutitigut suliassanik malinnaaffiginninnermik suli imaqartassapput. Ilanngussaq takuuk.

### Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

**Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

**Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq

**Ilanngussaq**

1. Ukiup affaanut killiffiup ilusaa

## **Punkt 7: Siu-Tsiu-mik naliliineq 2025**

### **Beslutning**

Ilisimatitsissut tusaatissatut tiguneqarpoq.

### **Bilag**

Siu-Tsiu-mik naliliineq 2025

Suliffeqarfik Aningaasaateqarfillu imminut pigisoq Siu-Tsiup aamma Kommuneqarfik Sermersuup akornanni ingerlatsinermut isumaqatigiissut

Siu-Tsiup killiffimmik nalunaarusiaa decembari 2024-meersoq



## Siu-Tsiu-mik naliliineq 2025

Ilisimatitsissut

SagsID.: EMN-2025-00901

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Juuni 2021-mi Kommuneqarfik Sermersooq Siu-Tsiu-lu Tasiilami inuusuttunut atuagarsornerunngitsumik piginnaangorsaanermut neqeroorut nutaaq pillugu suleqatigiinnermut ingerlatsinermullu isumaqatigiissuteqarput. Suliffeqarnermut Isumaginninnermullu Ingerlatsivimmit Siu-Tsiu pillugu ukiut tamaasa nalilersuisoqartarpoq, takuuk suleqatigiinnissamik ingerlatsinissamillu isumaqatigiissut § 10. Nalilersuineq taanna 2025-mi juulimi-aggustimi suliarineqarpoq, matumanilu Siu-Tsiup 2021-2025-mi inerneru sunniutaalu misissorneqarlutik (ilanngussaq 1).

### Nalilersukkat inernerannik eqikkaaneq

Atuartut katillugit 49-t Siu-Tsiu-mik naammassinnipput (naammassinninneq imaluunniit taamaatitsineq), atuartullu 9-t ingerlatitsipput. Atuartut 11-t Siu-Tsiu-mik unitsitsigallarnikuupput taamaatitsillutilluunniit kingornatigullu ingerlatsitseqqillutik. Tamassuma erseqqissarpaa, pingaaruteqartoq ingerlatamik aallartitsisoqareersoq aallartitsinissamut eqaatsumik aaqqissuussisoqarsinnaanissaa unikaallannissamullu periarfissaqarnissaq

Atuartut affaata missai (atuartut 24-t) Siu-Tsiu-mik naammassinnipput, atuartullu 25-t taamaatitsillutik. Taamaatiinnartut amerlapput, taamaattorli Kalaallit Nunaanni ilinniarnertuunngorniarfinni inuussutissarsiutinullu ilinniarnertuunngorniarfinni allani taamaatitsiinnartut amerlassusaat amerlaqatigaat. Atuartut taamaatitsiinnartut affai sinnerlugit (atuartut 15-it), qaammatit marluk iluanni taamaatitsipput. Amerlanerit atuanngitsoorpallaarnerat imaluunniit Tasiilaq qimallugu nuunnerat pissutigalugit taamaatitsisarput. Taamaattumik ingerlatsinermi siusinaarlugu, matumani atuanngitsoorneq aamma nuunnermut peqqutaasut ukkataralugit, siusissumik pinaveersaartitsilluni suliniuteqartoqartariaqaraluarpoq.

Atuartut 20-t Siu-Tsiu-mik naammassinnereernerisa ukiup ataatsip ingerlanerata kingornatigut ilinniakkamik imaluunniit piginnaangorsarnermik nutaamik aallartitsipput. Atuartoq Siu-Tsiu-mik ingerlatsinermik taamaatitsinani naammassinnissimaguni ilinniagginnissaanut ilippanaateqarnera annertunerussaaq. Atuartut 13-it Siu-Tsiu-mik naammassinninnerisa kingornatigut qaammatit pingasut ingerlanerini nutaamik ingerlatsitsillutik aallartitsipput, tamassumalu ersersippaa, Siu-Tsiu-mik ingerlataqarsimanerat ilinniakkamik ingerlatseqqiinissaminnut sunniuteqartoq. Atuartut 55 %-ii Siu-Tsiu-mik ingerlatsinermik kingorna ilinniakkamik imaluunniit piginnaangorsarnermik nutaamik taamaatitsipput, 25 %-iilu naammassinnillutik. Naammassinnittartut proncentiat, matumani inuusuttut sullinneqartut ilinniagaqanngitsut suliffeqanngitsullu eqqarsaatigalugit pitsaasutut nalilerneqarput.

Atuartut 13-it Siu-Tsiu-mik ingerlatsereernerisa kingornatigut ukiup ataatsip iluani suliffeqarput. Atuartup Siu-Tsiu-mik naammassinnissimanera imaluunniit taamaatitsisimanera imminnut ataqatigiinngillat. Atuartut 5-it ukiumut 50.000 koruunit ataallugit isertitaqartarput ukiumut



akileraarusigassalinnik, taakku ersersippaat, atuartut piffissap ilaani suliffeqartut imaluunniit suliffeqarallartut.

#### Siu-Tsiumik suleqateqarnermut ingerlariaqqinnissaq

Suleqatigiinnermut ingerlatsinermullu isumaqatigiissut maajimut 2026-mut killeqarpoq. Isumaginninnermut Inunnullu Innarluutilinnut Ataatsimiititap 2025-mi ukiap ingerlanerani suleqatigiinneq suliarisassanngortissavaa.

#### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

#### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppernarsaatillit**

- Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat nr. 31, 28. november 2019-imeersoq
- Suliffeqarnermut politikki 2023-2033
- Suliffeqarfik Aningaasaateqarfillu imminut pigisoq Siu-Tsiup aamma Kommuneqarfik Sermersuup akornanni ingerlatsinermut isumaqatigiissut 2021-meersoq

#### **Ilanngussat**

1. Siu-Tsiumik naliliineq 2025
2. Suliffeqarfik Aningaasaateqarfillu imminut pigisoq Siu-Tsiup aamma Kommuneqarfik Sermersuup akornanni ingerlatsinermut isumaqatigiissut
3. Siu-Tsiup killiffimmik nalunaarusiaa decembari 2024-meersoq

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:35